



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), Skupština Brčko distrikta BiH, na nastavku 45. redovne sjednice održane 11. maja 2011. godine, razmatrajući Nacrt zakona o zdravstvenoj zaštiti u Brčko distriktu BiH, donosi

O D L U K U

O ODRŽAVANJU STRUČNE I JAVNE RASPRAVE O NACRTU ZAKONA O ZDRAVSTVENOJ ZAŠTITI U BRČKO DISTRIKTU BiH

Član 1

Ovom odlukom uređuje se način održavanja stručne i javne rasprave o Nacrtu zakona o zdravstvenoj zaštiti u Brčko distriktu BiH.

Član 2

Nosioci aktivnosti provođenja stručne i javne rasprave su Komisija za rad, zdravstvo i socijalnu zaštitu, Skupštine Brčko distrikta BiH i Odjeljenje za zdravstvo i ostale usluge Vlade Brčko distrikta BiH.

Član 3

Zadužuje se Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učini dostupnim na web-stranici Vlade Brčko distrikta BiH www.bdcentral.net.

Član 4

Stručna i javna rasprava održat će se:

- stručna rasprava 19. 5. 2011. godine u prostorijama Bolnice, s početkom u 15 sati.
- javna rasprava 23. 5. 2011. godine u velikoj sali Doma kulture, s početkom u 17 sati.

Član 5

Finansijska sredstva za organiziranje i provođenje stručne i javne rasprave osigurat će Vlada Brčko distrikta BiH.

Član 6

Nakon sprovedene stručne i javne rasprave Komisija za rad, zdravstvo i socijalnu zaštitu, Skupštine Brčko distrikta BiH sumirat će kompletne rasprave i podnijeti Skupštini izvještaj s prijedlozima i mišljenjima sa stručne i javne rasprave.

Član 7

Zapisnici sa stručne i javne rasprave bit će dostavljeni zastupnicima Skupštine Brčko distrikta BiH i gradonačelniku Brčko distrikta BiH najmanje petnaest (15) dana prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-394/11
Brčko, 11. maja 2011. godine

**PREDSJEDNIK
SKUPŠTINE BRČKO DISTRIKTA BiH**

Esad Atić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za zdravstvo i ostale usluge
5. Direkciji za finansije
6. Fondu zdravstvenog osiguranja Brčko distrikta BiH
7. Sektoru za koordinaciju politika i opće poslove
- Odsjeku za opće poslove
8. Arhivi